


151

D E S C R I P T I O
I N S V L A R V M
C I R C A S C O T I A M,
E X C A M B D E N O.

H E B R I D E S.



Glottain-
sula.

Arran.

Buthe.

Hic [à Mannia scilicet] ad The Mulle of Galloway five Novantum Promontorium, nisi exigua plane, nullæ occurrunt insulæ; sed hoc superato, in GLOTTA æstuuario, sive Dunbritton Frith, GLOTTA insula eminet, cuius meminit Antoninus, nunc Scotis Arran, unde Comites Arranæ in Scotia; & huic vicina est quæ olim Rothesia, nunc Buthe, à sacra cellula quam Brendanus posuit, (sic enim cellula Scotice dicitur.) Inde Hellan, olim Hellan Leneow, id est, ut interpretatur I. Fordonus, Sanctorum insula, & Hellan Tinoc, id est, Insula porcorum, in eodem sinu conspiciuntur. Sed de his jam prius dictum.

Hebrides.
Scotishor
Western
Iles.

Extra sinum confertissimæ jacent insulæ, quas ipsi Scoti qui incolunt, Inch-Gall, id est, Insula Gallecorum fortasse; Angli & cæteri Scoti The Western Iles, id est, Occidua Insula; superioris ævi scriptores HEBRIDES; sed Ethicus antiquus Beteoricas; & Giraldus alibi Inchades & Leucades; Plinius, Solinus, & Ptolemæus EBVDAS, Hebudas, & E'Gadæ appellant. Nominis rationem elicere non possum, nisi ita dictas existimem, quod fruges hic non provenirent; prodit enim Solinus harum incolas fruges nescire, & pisce tantum, lacteque vivere; & Eb eid Britannice sine frugibus sonat. Incolæ (ut inquit ille Solinus) nesciunt fruges, piscibus tantum & lacte vivunt. Rex unus est universis; nam quotquot sunt, omnes angusta interlunio dividuntur: Rex nihil suum habet; omnia universorum; ad æquitatem certis legibus stringitur: ac ne avaritia divertat à vero; discit paupertate justitiam, utpote cui nihil sit rei familiaris: verum alitur è publico. Nulla illi datur fœmina propria, sed per vicissitudines, in quamcunque commotus fuerit, usurariam sumit, unde ei nec votum, nec spes conceditur liberorum.

Vxor usu-
varia.

Ricina.

Racline.

Harum XLIV vulgus esse affirmat, cum multo sane sunt plures; triginta esse Plinius scripsit; sed quinque percenset Ptolemæus. Prima RICINA est, Plinio RICNEA, Antonino RIDVNA, nunc Racline, & Riclina in Antonino legendum puto, et in d conjuncto temone facile transit. Insula hæc parva est obiecta Hiberniæ, antiquis nota, quod ipso fre-

Scotia.

to inter Hiberniam & Scotiam interponatur, nullo nomine hodie celebris, quam Scoto-hibernicorum strage, qui subinde occuparunt, & ab Anglis exturbati fuerunt. Proxima EPIDIVM est, quæ ex nomine, Epidiorum promontorio, & littori adiecisse conjicerem cum optimo Geographo Ger. Mercatore. Cumque in eo situ Ila Insula satis ampla, & campestri planitie ferax, conspicitur, hanc fuisse Epidium, aut Epidiorum Insulam dicam, nam E'ndlav alicubi legitur. Longa hæc xxxv miliaria, xvi lata, pecore, frumento, & cervorum gregibus adeo læta, ut Regi Insularum altera post Manniniam sedes fuerit, ut hodie Mac Connellorum, qui in hac ad Dunyrweg suum habent castrum.

Inter Ila & Scotiam Iona interjacet, Bedæ Iona. Hy & Hu, à Pictis Scotorum Monachis donata ob propagatum inter eos Evangelium, ubi Monasterium, Regum Scotiæ sepultura, & sanctorum virorum frequentia celebre, inter quos Columba Pictorum Apostolus primæ notæ fuit, à cujus cella insula etiam Columb kill appellatur, uti & vir ipse composito nomine

Episcopus
Sodorensis.

Columbkill dictus fuit, testante Beda. Hic demum, ut aliqui volunt, Episcopalis sedes constituta erat in Sodore viculo, unde insula omnes Sodorenses etiam appellata fuerunt, quod in ejus diocesi censetur. Inde MALEOS est

Maleos.
Mula.

Ptolemæi, nunc Mula, cujus Plinius videtur meminisse, cum inquit Reliquarum Mella xxv. mill. pass. amplior proditur. Sic enim antiquissima Plinii æditio Venetiis concipit, ubi vulgatis legitur Reliquarum nulla. HEBVDA Orientalior nunc Skie, deinde Scotiæ littori longe ob-

Vide de his
G. Buchan.
Hebudas.

ditur; & HEBVDA Occidentalior magis in Occasum divergens, nunc Lewes, cui præest Mac-Cloyd, & in antiquo Manniæ libro, Lodbus dicitur, monticulis prærupta, saxosa, & raro cultore, sed omnium amplissima, à qua exiguo Euripo Eust disjungitur. Cæteræ præter Hyrham ignobiles sunt, aut saxis asperæ, aut cautibus invixæ, & vix virenti cespite vestitæ: has tamen omnes velut imperii sui firmamentum numerata pecunia à Norvegis (ut diximus) coëmerunt Scoti, etsi minimum inde fructum percipiant; cum incolæ, antiqui scilicet Scoti, sive Hibernici, homines erectis animis, & projecta audacia, legum severitate, & judiciorum metu se illigari non patiantur.

Lewes.

Eust.

Hirb.

ss